

hospitale^[a] de Bonzanino fecerant, usque ad ponticellum seu limitem, qui est ab hac parte Bonzanini, eis voluntarie dimiserunt. Ibidem vero fossatum novum juxta clausuram^[A] illorum de Bonzanino^[b] facientes, in quo Cosnam^[c] in fossatum, tempore domini Talamacii antiquitus factum, eam commode derivari fecerunt, salvis rationibus hinc et illinc utriusque episcopatus.

Quando Faventini et Bononienses fecerunt^e destrui domos castellanorum castri Imolae, quas in civitate habebant.

CAP. CLXXVII.

Anno a Virginis partu MCCXXIII nolentes Imolenses quae Bononiensibus et Faventinis^[d] iuraverant attendere, multoties et saepius requisiti facere contempserunt. Quare, dolore inflammati maximo, curros^[e] et una^[f] Imolam in mense Novembris miserunt, ut domos castellanorum castri Imolae ad Castellare portarent; quod infra spacium vii dierum compleverunt, et sic illud proverbium pauci sunt consecuti, quod dicit: *Impactus pici*^[g] vulgo solet utpole dici. Omne retorquetur quodcumque dolere videtur. Et iterum: *Est vindicta minus bona, quae pejora meretur.* Et illud: *In-felix sensum tibi*^[h] tanta dementia tulit^[i]; et tua perpetuum^[j] Imola damna^[k] geme^[l]. (tibi)

Quando ampliata est civitas Faventina ab Uberto de Ozine.

CAP. CLXXVIII.

Post admirabilem Virginis partum MCCXXIII, sub Uberto de Ugine^[m] Faventino potestate ampliata est civitas Faventina a cantone Posterlae^[n] Asalonum^[o], sicut trahit usque ad vineam Pepi de Ricamavo^[p] [B].

[a] et hospitale, C. V.; et hospitalem, C. M. — [b] illorum de Bonzanino, C. M.; illorum d. Bonzanino, C. V. In charta concordiae inter Imolenses et Faventinos, sub anno 1181, numeratur inter consules Faventiae Tregua Bonzaninus. — [c] in quo Cosnam. Sic Codd.; sed lege quo, vel ex quo Cosnam. Hic Cosna sumitur pro rivo quodam, sive aqua fluente, quae loco illi dat etiam nomen. — [d] Bononiensibus et Faventinis. Sic lego cum C. V. — [e] curros et una, C. M.; curros.... Imolam, C. V., ubi videtur omissum aliquid. Lege: currus, pro curros. — [f] Impactus pici. Sic lego; impetus pici, C. V. — [g] quae tibi, C. M.; Sic legit Cl. Mitt.; quae tunc, et etiam, quae te, C. V. — [h] dementia tulit, C. M.; dementia fallit, C. V. — [i] et tua perpetuum, C. M.; et tua perpetuo, C. V. — [j] damna geme. dampna geme, Codd. — [k] Uberto de Ozine et de Ugine. Sic C. M. An vulgo di Udine? minime; nam patria erat Mediolanensis, ut constat ex Chron. Cantinelli. — [l] a cantone Pusterlae. Sic C. V. et Cl. Mitt.; a cantone posterlae, C. M. — [m] Pepi de Ricamavo, C. V. In C. M., Pepi de ricamavo, vel ticamavo, legi potest. Tondut. legit: de Tencamavo; Zuccul. legit: de Ticamavo. In charta vero Archiv. Azzur, sub anno 1250, nominatur sic: Pepus Ricamani.

[A] Clausuram nominabant olim et hodie adhuc dum, quibusdam in regionibus, praedium undique clausum et septum. Saepe nomen clausurae in hoc sensu occurrit in documentis antiquis.

[B] Ampliatio huiusmodi parva quidem fuit; quemadmodum ex alibi dictis in Animadversionibus colligi potest.